

Tsotlhe fela ke tiro ya letsatsi le le lengwe

E kwadilwe ke Bandile Sikwane | E tshwantshitswe ke Elizabeth Sparg

Hank, e leng Magogwe o montle, e ne e le seapei se se gaisang tota mo letlhagareng. O ne ka gale a batlana le metswako e e gaisang tota mme seo se ne se mo tthaola jaaka seapei se se tlhotlhwa.

Resepe ya gompieno e ne e le bonolo fela dijo e le tse di kgethegileng. O ne a apeela Wendy, e leng kolobe ya naga. Selo sa Modimo se robegile leoto fa se ne se tswa ka lesoba la mogodu morago ga go lelekisiwa ke diphiri tse di legaba.

Resepe e ne e batla dilo tse
go seng bonolo go di bona.

Hank o ne a kampana le tlhware
e e borethe mme a e fenyā.
Motho o ka dira setšhu se se
balolang tota ka nama ya yona.




O ne a itshokela malomo a
dinotshe a feta lekgolo a leka
go rafa mamepe le tswina go
dira se se ka nowang.



Digokgo tse dikotsi di ne
di bontsha go sa itumelang
fa di bona a ntse a epa
matlo a tsona a tsošana le
digwere. Utšhi! Utšhi! Utšhi!

Lebolobolo la mo loma a sa ntse a kgetla moretlwa le
ditamati. Botlhole jwa lebolobolo bo botlhoko. Go mo
tsere diura go bo ntsha.





Go ise go ye kae, a goroga mo sekhutlong sa Mebileng ya Warthog le Baobab.

Ditsala tsa ja setšhu di folosetsa ka tswina e e botshe di ntse di tshega matlametlo a a tswelletseng go goeletsa ditsintsiri tse di tswelletseng go a sera ka modumo.

“Seno ke dijo tse o di apeileng monate go gaisa,” ga bua Wendy, a ntse a ikgora molomo. “E tshwanetse ya bo e nnile namane e tona ya tiro go di apaya.”

“Nnyaa, le e seng, Hank a araba ka bonolo. “Ke tironyana ya letsatsi le le lengwe fela. Wena leta o tle o bone nama e ke sa ntseng ke tlile go e gata ya lebolobolo ka moso!”



Tsothe fela ke tiro ya letsatsi le le lengwe

E kwadilwe ke Bandile Sikwane • E tshwantshitswe ke Elizabeth Sparg

Megopolo e re ka buang ka yona

Dijo tse o di ratang thata ke dife? O tlhoka eng go apaya dijo tse o di ratang thata? Ke bomang ba o neng o ka ba laletsa gore ba tle go ja le wena dijo mme goreng o ne o ka laletsa batho bao?



Se se bonwang ka matlho

Ya kwa tsebeng ya tiro fano: <https://nalibali.org/story-supplies/activity-sheets>

Tshasa mebala mo setshwantshong seno o bo o se feleletsa. Terowa setshwantsho mo puduleng ya se Hank a se akanyang go bontsha gore o akanyang.



Go Bala

Nna mophuruphutshi wa mafoko! Leba leinane leno sentle. A o kgona go bona maina a:

- ★ diphologolo di le robongwe
- ★ maungo a mabedi
- ★ mebala e mabedi?




Go Kwala

Dirisa dintlha tse di mo leinaneng leno go kwala resiphi ya setšhoo se Hank a se apeileng. Gakologelwa gore o kwale pele lenaane la dilo tse di tlhokegang o bo o kwala ditaello tse Hank a tshwanetseng go di latela fa a dira setšhoo. Naya setšhoo seno leina.



Botaki

Dirisa tlhabego ya go tshameka le mmopa go dira pitsa ya setšhoo – e ka tswa e le setšhoo se se dirilweng ke Hank kgotsa setšhoo se o ifiretseng sone!



Tiragatso

Dira jaaka ekete o Hank a tsaya dilo tseno tse a tlileng go dira setšhoo ka tsone a bo a se dira. Dirisa resiphi ya gago go go thusa.

